

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-8950/25  
Sarajevo, 20.5.2026. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj: 02/12-04-21075/24 od 23.08.2024. godine, a na preporuku Komisije za javnu nabavku radova, Općinski načelnik donosi:

## **ODLUKU**

### **o izboru najpovoljnijeg ponuđača u predmetu javne nabavke – Izvođenje radova na ugradnji sistema za rashlađivanje u učionicama O.Š. "Umihana Čuvidina"**

#### **I**

Ugovor u postupku javne nabavke - Izvođenje radova na ugradnji sistema za rashlađivanje u učionicama O.Š. "Umihana Čuvidina", broj obavještenja 422-1-3-84-3-113/26 objavljeno na Portalu javnih nabavki dana 07.4.2026. godine, ispravka TD\_IZM1\_422-1-3-84\_26 od 09.04.2026. godine i "Službenom glasniku BiH- Oglasnik javne nabavke" br. 12626 od 10.4.2026. godine, dodjeljuje se grupi ponuđača "Elektrokovina" d.o.o. Sarajevo i "KMS" d.o.o. Sarajevo sa ponuđenom cijenom za ugovor u iznosu od 111.111,11 KM bez PDV-a, odnosno 130.000,00 KM sa PDV-om.

#### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

#### **III**

Obavezuje se ponuđač iz tačke I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originalni ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

## **Obrazloženje**

Odlukom broj 02/12-19-8950/26 od 06.4.2026.godine Općina Novi Grad Sarajevo pokrenula je otvoreni postupak javne nabavke - Izvođenje radova na ugradnji sistema za rashlađivanje u učionicama O.Š. "Umihana Čuvidina", broj obavještenja 422-1-3-84-3-113/26 objavljeno na Portalu javnih nabavki dana 07.4.2026. godine, ispravka TD\_IZM1\_422-1-3-84\_26 od 09.04.2026. godine, i "Službenom glasniku BiH- Oglasnik javne nabavke" br. 26/26 od 10.4.2026. godine. Procijenjena vrijednost nabavke shodno Odluci je 111.111,11 KM bez PDV-a, odnosno 130.000,00 KM sa PDV-om.

Zapisnikom o otvaranju ponuda od 29.4.2026. godine Komisija je konstatovala da su u predviđenom roku, u propisno upakovanim kovertama, pristigle pet (5) ponude ponuđača: 1. „Hollodex“ d.o.o. Banja Luka sa ponuđenom cijenom za ugovor u iznosu od 111.111,00 KM bez PDV-a,

2. "MIH BH" d.o.o. Sarajevo sa ponuđenom cijenom za ugovor u iznosu od 110.785,62 KM bez PDV-a,
3. Grupa ponuđača "E+E+E Energy" d.o.o. Sarajevo i "Elkomont" d.o.o. Sarajevo sa ponuđenom cijenom za ugovor u iznosu od 111.004,43 KM bez PDV-a.
4. Grupa ponuđača "Digital line" d.o.o. Sarajevo i "Centar-Han" d.o.o. Sarajevo sa ponuđenom cijenom za ugovor u iznosu od 110.079,90 KM bez PDV-a.
5. Grupa ponuđača "Elektrokovina" d.o.o. Sarajevo i "KMS" d.o.o. Sarajevo sa ponuđenom cijenom za ugovor u iznosu od 111.111,11 KM bez PDV-a.

Zapisnik sa otvaranja ponuda dostavljen je ponuđačima na fax / e-mail u zakonom predviđenom roku.

Nadalje, Komisija je pristupila analizi i ocjeni ponuda u skladu sa uslovima iz tenderske dokumentacije. Komisija je utvrdila da ponuda ponuđača „Hollodex“ d.o.o. Banja Luka ne ispunjava kvalifikacioni uslov tražen u tenderskoj dokumentaciji iz tačke 3.4.1. (c) tehnička i profesionalna sposobnost - *da je ponuđač opremljen neophodnom opremom i mehanizacijom za obavljanje predmetnih radova: prevozno sredstvo (kamion) nosivosti do 5 t – 1 kom.*

Tačkom 3.4.2. (d) propisano je da se navedeno dokazuje na sljedeći način: *kao dokaz o obezbjeđenosti mehanizacije neophodne za obavljanje predmetnih radova: prevozno sredstvo (kamion) nosivosti do 5 t – 1 kom.. Za kamion dostaviti ovjerenu kopiju važeće saobraćajne dozvole. Ukoliko ponuđač nije vlasnik tražene mehanizacije, uz ostalu dokumentaciju dostaviti i ugovor o iznajmljivanju (ovjerena kopija).*

Uvidom u dostavljenu ponudu ponuđača „Hollodex“ d.o.o. Banja Luka konstatovano je da je:

- na stranicama 55-57 ponuđač je dostavio ugovor potpisan između "Hollodex" d.o.o. Banja Luka i "Niskogradnja" d.o.o. Laktaši o iznajmljivanju teretnog vozila (kamiona) nosivosti 9490 kg i na stranici 59 je dostavio ovjerenu kopiju saobraćajne dozvole nosivosti 9490 kg (tenderskom dokumentacijom traženo do 5t nosivosti).

Shodno navedenom, ponuđač nije dostavio dokaz o obezbjeđenosti prevoznog sredstva (kamion) nosivosti do 5t, kako je traženo tenderskom dokumentacijom.

Iz naprijed navedenog razloga utvrđeno je da ponuđač „Hollodex“ d.o.o. Banja Luka ne ispunjava uslov tražen u tenderskoj dokumentaciji iz tačke 3.4.1. (c) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Nadalje, Komisija je pristupila analizi i ocjeni ponuda u skladu sa uslovima iz tenderske dokumentacije. Komisija je utvrdila da ponuda ponuđača „MIH BH“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (b) tehnička i profesionalna djelatnost - *da je jedno lice VSS - građevinske ili arhitektonske ili mašinske struke u radnom odnosu na neodređeno vrijeme zaposleno kod ponuđača sa položenim stručnim ispitom i radnim iskustvom od najmanje 5 godina.*

Tačkama 3.4.2. (b) i (c) propisano je da se navedeno dokazuje na sljedeći način: *Dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog VSS diplomiranog inženjera - građevinske ili arhitektonske ili mašinske struke, sa datumom izdavanja koji nije stariji od 30 dana računajući od dana utvrđenog kao krajnji rok za predaju ponuda; (original ili ovjerena kopija) i Dokaz o stručnoj spremi, položenom stručnom ispitu i radnom iskustvu za VSS diplomiranog inženjera iz tačke b) (original ili ovjerena kopija).*

Uvidom u dostavljenu ponudu ponuđača "MIH BH" d.o.o. Sarajevo konstatovano je da je:

- na stranicama 97-99 ponude ponuđač dostavio Listu osiguranih lica za obveznika izdat od Porezne uprave Federacije Bosne i Hercegovine
- na stranici 129 ponude ponuđač je dostavio diplomu za bachelor inženjer mašinstva izdatu od Mašinskog fakulteta u Sarajevu.

na stranici 131 ponude ponuđač je dostavio uvjerenje o položenom stručnom ispitu za bachelor inženjera mašinstva

na stranicama 133-140 ponude ponuđač je dostavio ugovor o radu na neodređeno vrijeme za bachelor inženjer mašinstva i na stranicama 143-147 ponude ponuđač je dostavio biografiju za inženjera.

Imajući u vidu dostavljenu dokumentaciju Komisija konstatuje da ponuđač nije dokazao da inženjer za kojeg je ponuđač dostavio dokumentaciju ima najmanje 5 godina radnog iskustva u struci, kako je traženo tenderskom dokumentacijom, s obzirom da je na Listi osiguranih lica datum početka osiguranja navedenog inženjera 19.04.2023. godine.

Komisija je utvrdila da ponuda ponuđača "MIH BH" d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (c) tehnička i profesionalna sposobnost - *da je ponuđač opremljen neophodnom opremom i mehanizacijom za obavljanje predmetnih radova: prevozno sredstvo (kamion) nosivosti do 5 t – 1 kom.*

Tačkom 3.4.2. (d) propisano je da se navedeno dokazuje na sljedeći način: *kao dokaz o obezbijedenosti mehanizacije neophodne za obavljanje predmetnih radova: prevozno sredstvo (kamion) nosivosti do 5 t – 1 kom.. Za kamion dostaviti ovjerenu kopiju važeće saobraćajne dozvole. Ukoliko ponuđač nije vlasnik tražene mehanizacije, uz ostalu dokumentaciju dostaviti i ugovor o iznajmljivanju (ovjerena kopija).*

Uvidom u dostavljenu ponudu ponuđača "MIH BH" d.o.o. Sarajevo konstatovano je da je:

- na stranicama 123-126 ponuđač je dostavio ugovor potpisan između "Elan Trade" d.o.o. Kakanj i "MIH BH" d.o.o. Sarajevo o najmu prevoznog sredstva, te je na stranici 127 dostavio ovjerenu kopiju saobraćajne dozvole nosivosti sa navedenom nosivosti 5920 kg (tenderskom dokumentacijom traženo do 5t nosivosti).

Shodno navedenom, ponuđač nije dostavio dokaz o obezbijedenosti prevoznog sredstva (kamion) nosivosti do 5t, kako je traženo tenderskom dokumentacijom.

Iz naprijed navedenog razloga utvrđeno je da ponuđač "MIH BH" d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (b) i (c) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Uvidom u dostavljenu ponudu grupe ponuđača "E+E+E Energy" d.o.o. Sarajevo i "Elkomont" d.o.o. Sarajevo konstatovano je da je:

- na stranici 15 ponude - Obrazac za ponudu - ponuđač je popunio podatke samo za "E+E+E Energy" d.o.o. Sarajevo, iako je navedeno da ukoliko ponudu dostavlja grupa ponuđača da se upisuju isti podaci za sve članove grupe ponuđača kao i kada ponudu dostavlja samo jedan ponuđač, te da se upisuje podatak ko je predstavnik ponuđača. Shodno navedenom, ponuđač nije postupio po Uputstvu za pripremu modela tenderske dokumentacije i ponuda (Službeni glasnik broj 90/14 i broj 20/15) član 9. (6) Ako se radi o grupi ponuđača, obrazac za ponudu sadrži podatke za svakog člana grupe ponuđača, uz obveznu naznaku člana grupe ponuđača koji je ovlašten za komunikaciju s ugovornim organom.

- na stranicama 93-94 ponuđač je dostavio ugovor potpisan između "ITC" d.o.o. Zenica i "E+E+E Energy" d.o.o. Sarajevo o najmu kamiona nosivosti 13680 kg i na stranici 95 je dostavio ovjerenu kopiju saobraćajne dozvole nosivosti 13680 kg (tenderskom dokumentacijom traženo do 5t nosivosti).

Shodno navedenom, ponuđač nije dostavio dokaz o obezbijedenosti prevoznog sredstva (kamion) nosivosti do 5t, kako je traženo tenderskom dokumentacijom.

Iz naprijed navedenog razloga utvrđeno je da grupa ponuđača "E+E+E Energy" d.o.o. Sarajevo i "Elkomont" d.o.o. Sarajevo ne ispunjava uslov tražen u tenderskoj dokumentaciji iz tačke 3.4.1. (c) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Uvidom u dostavljenu ponudu grupe ponuđača "Digital line" d.o.o. Sarajevo i "Centar-Han" d.o.o. Sarajevo konstatovano je da je:

- na stranici 60 ponuđač je dostavio ovjerenu kopiju saobraćajne dozvole nosivosti 5280 kg (tenderskom dokumentacijom traženo do 5t nosivosti).

Shodno navedenom, ponuđač nije dostavio dokaz o obezbijeđenosti prevoznog sredstva (kamion) nosivosti do 5t, kako je traženo tenderskom dokumentacijom.

Iz naprijed navedenog razloga utvrđeno je da grupa ponuđača "Digital line" d.o.o. Sarajevo i "Centar-Han" d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (c) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je nadalje utvrdila da dostavljena ponuda grupe ponuđača "Elektrokovina" d.o.o. Sarajevo i "KMS" d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude, te utvrdila da je dostavljena ponuda računski ispravna.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 4. stav (2) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić /sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova

